



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hippoensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Præfatio Ad Lectorem.

urn:nbn:de:hbz:466:1-42857

P R A E F A T I O AD LECTOREM.



ANCTI Aurelij Augusti-
ni Hipponensis Episcopi, &
Ecclesiae Doctoris eximij vi-
tam affero, beneuole Lector,
eā ratione ut & historiam complectar, &
verbi diuini præconibus inseruam: sen-
tentiis enim optimis ipsius Augustini, ceu
gemma quibusdam, librum omnem distin-
xi, quæ non solum intellectui delectabile
quidpiam afferant, sed ad hæc facultatum
animæ principem, voluntatem scilicet, in
Dei amorem (qui Catholicorum primus
est scopus) validissimè rapiant. Etiam
aduersariis doctrinæ Catholicæ non deerit
hic (si modò sincerè iudicabunt) quod eo-
rum errores refutare clarissimè possit. In-
super de vita statu deliberantibus, & pie-
tatis studiosis, nec non humanarum ar-
tium candidatis (quæ nunc Sparta nostra
denuò esse cœpit) non minima cura fuit
ut prodessem.

Feci

Feci autem trium librorum distributionem, quorum primo descripti Augustini vitam ab ortu usque ad Baptismum: secundo vero sum complexus ea, quae a Baptismo usque ad Episcopatum gessit: tertium denique librum ad usque sanctissimam eius mortem deduxi. Ceterum praeter ipsam historiam, & locos communes, quos de S. Augustini operibus accepi, ac in modum ignis ardentis Christianæ perfectionis amatoribus subdidi, nostræ Augustianæ Religionis ortum, & incrementa, siue per orbem dispersas colonias, summatis hic adieci; quæ etiamnum Religio Augustiniana instar lunæ crescentis, a suo post Deum fundatore Augustino, lumen recipere, atque adeò per Indianum, Armeniæ, Persidis Regiones, Malabaricas, & alias, ad Euphratrem usque, maiores auctus capere in dies videtur.

Præudio equidem fore qui mirentur S. Augustini vitam me scripsisse tamquam nouum aliquid, cum ipsemet S. Augustinus in suis Confessionum libris eam omnibus spectandam exhibuerit; ideoque cogitent
me

me hic actum agere. Verum si probè anim-
adserant, S. Augustinus in suis Con-
fessionibus obiter tantummodo res à se
gestas attigisse, ac pro re natâ proprios
lapsus aperuisse omnibus videtur. quam in
rem ingeniosè, Audiant, inquit, qui
non ceciderunt, ne cadant; audiant
qui ceciderunt, ut resurgent. Hic autem
liber actus quoque eius heroicos, & alibi
in ipsomet Augustino, Poſidio, Jordano,
Baronio, aliisque Scriptoribus paſsim spar-
fas laudes, velut ex variis hortis in vnum
ſertum collectos floſculos iunctim comple-
titur. Vſui etiam magno in rem hanc fu-
re Patrum noſtrorum per Hispaniam &
Lusitaniam Manuscripta, utpote R.^m
atque Ill^mi P.F. Alexij de Menezes, India-
rum nuper, & nunc Portugalliae Prorē-
gis, R. P. Emanuelis de la Conception,
P. Hier. Romani; Liber quoque P. Am-
broſij Steibani, Italico ſermone non ita
pridem Neapoli impressus, & alij; ac in-
ter hos doctissimæ lucubrationses R. P. Lu-
douici ab Angelis, Ordinis Historiographi:
cuius exemplar optasse non ſub ipsam li-
bri

bri huius impressionem ad me peruenisse;
quamvis & multa, voto tamen meo pauciora licuit hinc delibare.

Auctores quoad potui bona fide citauit: si tamen in his, vel in aliis, quædam
amartimæ, ut vocant, munera, forsan
irrepserint, ages, benigne Lector, ut hu-
manitatem tuam, sortemque meam huma-
nam decet. Neque enim autographos sem-
per in suo fonte gustare valui, & me tum
noui templi moles non parum occupauit,
tum in ipso templo repentini duo casus,
dum huic scripto incumberem, tantum non
extinxere. Gratiæ Clementissimo Deo,
qui me superesse voluit, & te hæc legere.
Vale, & fruere.

INDEX